

# QVÆSTIO MEDICA.

## QVOD LIBETARIIS CONCERTATIONIBVS MANE DISCV- TIENDA, IN SCHOLIS MEDICORVM DIE MARTIS XXII. DECEMB.

M. GVILLELMO DE VAILLY, DOCTORE MEDICO, MODERATORE.

522

*An Paraplecticis praua Parotides?*

**S**ÆVIT perpetuè morbus, nec qui euentu salutaris est sine periculo soluitur. In fine & principio, etiamsi omnia imbecilliora sint, salustamen non est certa, vt nec vbi coctio, excretio, aut *inopieia* apparuerit. Coctiones celeritatem securitatémque iudicij pollicentur, dummodò ex toto fiant. Si talia purgentur qualia oportet, confert & leuiter ferunt, leuius si & quanta, aliàs *inopieia* praua. Nullus morbus sua specie lethalis, talis à sola magnitudine.

**V**ALIS debet fieri purgatio, si affectui humores respondeant, si cum coctione & per loca conuenientia expurgentur. Febre ardente correpto rigores, sudores, vomitus, vrina, dejectaque biliosa profunt. Melancholicis varices vel hæmorrhoides superuenientes insanie fit solutio, vt & quotidianæ si pituita eijciatur. Abscessus in acutis, paucis salutare, in diuturnis proficui; seriores at meliores crises afferunt qui laxi, fusi, molles ac doloris expertes. Suppurati non reuertuntur.

**C**OCTIONES in diuturnis quocúmque die prodierint bonæ, in acutis meliores si die indice quarto, vndecimo, decimosextimo. Coctionis opus propriorum ab alienis separatio est, tenue crassum, crassum tenue redditur. In omnibus morbis non venit expectanda. Quiuis calor coquit (febris rigores conuulsiones, & qui vino oppleti repente obmutuerint persanat) solus naturalis criseas author, non dierum numerus, non cæli.

**V**ò vergit humor, & pellit natura, eò ducendus, eò expectandus est. Hyeme per inferiora, æstate per superiora, per inferna abscessus & longe à partibus principibus. Cerebrum per collum, aures, cor per axillas, per inguina iecur, per testes pulmo, per crura, aures, asperam arteriam liberatur. Omnes per aluum, vesicam & nares. Robustiores per debiliores purgantur. Excretio quæuis è directo fiat oportet.

**E**XCRETIONIS quantitas morbo impar infausta. Sanguis stillans enaribus in ardentibus febribus malum. Quæ post iudicationem relinquuntur solent reuerti, aut alios procreare affectus, sic apoplexia in paraplectiam transiit, vbi pituita aut sanguis ventriculos cerebri opplentes deorsum deducuntur, & neruos aut spinalem medullam imbuunt, sicque paralytim (quam nulla committere potest simplex intemperies, vt nec vtrâque bilis) inferunt: Quod si naturâ crissim moliente humor, nec totus, nec secundum motum excludatur, vt per parotides (exiguos circa aures tumores surditatis medicatrices) prauum. Indigna tanto morbo excretio, nec loco idoneo suscepta morbi victoriam arguit.

*Ergo Paraplecticis praua Parotides.*

Asserebat DIONYSIVS ALLAIN Parisinus, anno R. S. 1615.

DOMINI DOCTORES DISPUTATVRI.

*M. Gabriel Harduinus de S. Jacques.  
M. Michaël de la Vigne.  
M. Ioannes Tournier.*

*M. Iacobus Perreau.  
M. Guillelmus Gerbault.  
M. Franciscus l'Espicier.*

*M. Symon Pierre.  
M. Georgius Cornuty.  
M. Claudius Boyvin.*

